



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita P. Balthassaris Alvarez, Societatis Iesv Religiosi**

**Puente, Luis de la**

**Coloniae Agrippinae, 1616**

Cap. V. Emisit tria Vota; Castitatis, Paupertatis, & Obedientiæ: quæ  
perfectè semper custodiuit

**urn:nbn:de:hbz:466:1-43347**

prope crucem: eoq; maiori honori & commodo proprio tribuebāt, quò magis propè illam essent, id quod illis prouenit ab Spiritu Christi operante in ipsis, quod in eodem ipso Christo. Ipse pendet in cruce, eiusque mater ac iusti sunt prope: at mater ipsa propior: peccatores autem remoti manent ab ea: ac propterea dixit Dauid: *h longe à peccatoribus salus.* *h Psal. 119. 155.*

CAPUT V.

EMISIT TRIA VOTA, CASTITATIS, PAUPER-TATIS, & OBEDIENTIAE: quæ perfecte semper custodiuit.



VONIAM Societatis Institutum obligat suos ad agendum cum omni genere proximorū, etiam perditorum, hæreticorum; aut infidelium, vt eos ad Deum suum reducāt, eorūq; animas saluent, constituit, sedesq; Apostolica & S. Concilium Tridentinum approbavit, vt Nouitij exactè probentur, non solum per vnū annū, vt in reliquis Religionibus fit, sed per duos etiam integros: quibus finitis edant tria vota, Paupertatis, Castitatis, & Obediētiæ: quæ, licet sollennia non sint, sufficiunt tamen ad hoc, vt tales verè sint Religiosi, quemadmodum expressè definiuit ac declarauit Gregorius XIII. ac proinde obstricti manent, quod in ipsa est, ad vitam in ipsa Societate perpetuè *ANN 1557.*  
D 2 ducen-

ducendam, & observanda praedicta vota eo modo, quo in eius Constitutionibus & Regulis declaratur. Iuxta quam constitutionem Pater Balthassar duobus Tyrocinij sui annis expletis, hoc est, Anno 1557. cum Abulæ studijs vacaret, tria praedicta vota magna animi sui consolatione & spiritus feruore spontè, ac liberè emisit: seipsum offerens ad perpetuum Dei Domini nostri obsequium in eo statu, ad quem vocatus erat: in quo adeò erat contentus, ipsique ita plenè satisfiebat, vt quemadmodum chirotheca manui, & vagina gladio accommodatur, ita Religio Societatis illi aptaretur, & eius spiritum animumq; expletet. Sed quoniam perfectionis excellentia non consistit in permittendo Deo res grandes, sed in explendis cum magna excellètia: videamus, cum quanta vir hic sanctus per totam vitam tria praedicta vota custodierit. Quam excellentiam conijcere licet ex ijs, quæ proximo capite de insigni eius mortificatione sunt dicta: siquidem (teste S. Thoma) horum votorum finis est remouere tria maxima impedimenta Euangelicæ perfectionis: amorem scilicet voluptatum sensuum: diuitiarum, & temporalium commoditatum cupiditatem; & superbiam propriæ voluntatis libertatem ac iudicium in directione & gubernatione sui ipsius. Et quoniam talia impedimenta non eo solo ex corde euelli possunt, quod rebus externis renunciatur: necessaria est insignis valde mortificatio, qua omninò ex corde eradicentur; & virtutes Castitatis Paupertatis spiritus, & Obedientiæ (quæ sunt illorum destructio & interitus) perfectè obtineantur.

2.2. *Quest.*  
186. *art.* 6.

S. I. EIV

## S. I.

## EIVS CASTITAS.

**P**RIUM Pater hic Balthassar tota vita sua studuit in virtute **CASTITATIS** excellere, in eaque perfectione eam coluit, quam Regula nostra exigit, imitando scilicet Angelicam puritatem in mentis & corporis nostri munditiam. Ad quod præstandum omnia illa media, quibus ea defenditur, conseruatur, ac perficitur, adhibebat. Quomodo enim non censeatur Angelicam Castitatem coluisse eum, qui adeò seuerè corpus suum, vt dictum est, castigabat, vt spiritui esset subiectum, & ne sensualitas contra rationem rebellaret? quomodo non haberet magnam cogitationum puritatem, qui ita suū visum mortificabat, vt, ne foeminas aspiceret ante se existentes in publico sanctæ Inquisitionis Actu, ( vt diximus ) oculos suos per septem horas in sacratissimæ Virginis imaginem, quam secum ferebat, confixos habuerit? & quomodo non esset purissimus, qui adeò erat Virgini, & puritatis matri addictus? de qua vel cogitando adeò delectabatur? & quomodo non vinceret tentationes castitatem oppugnantès, qui adeò in promptu habebat potentissima contra illas arma, continuam scilicet ac feruentem orationem? ipsemet fassus est aliquando, se hoc beneficium & gratiam à Deo accepisse, vt nec motus, nec sensuales inclinationes in se sentiret, ob continuatam deuotionem & recollectionem internam, qua semper se gerebat in præsentia diuina. Qui enim semper attendit, se à **D E O** aspici in omni loco, etiam

secretissimo: operam certè dat, ne quid admittat eius præsentia & conspectu indignum. Quare religiosissimus hic vir tres illos virtutis huius gradus est assecutus, quos iuxta Seraphici Doctoris sancti Bonauenturæ doctrinam in hac virtute constituerebat. *Primus* est, certissimum animi decretum non offendendi DEVM Dominum nostrum in hac materia, nec lethaliter, nec leuiter; sed resistendi cum omni diligentia cogitationibus ac motibus sensuum. *Secundus*, in quo caro adeò est Spiritui subiecta, vt raro idque leuiter is tentetur: facileque victoriam obtineat, nisi culpa sua se vinci patiatur. *Tertius*, in quo adeò sunt sensuum passiones domitæ, ac debilitatæ, vt vix percipiãtur; tantusque est rerum huiusmodi contemptus, vt cum eas audire, aut sermonem de eisdem miscere sit necesse: non magis moueri se sentiat, quam si de lapidibus aut luto sermo esset: qui gradus non nisi ex DEI speciali gratia obtinetur, quem tamen ipse aliquibus suis Electis largitur, & huic seruo suo communicauit: quamuis priusquam illam obtineret, strenuè contra tentationes pugauerit. Cum semel Iuuenis quædam nec ineligans foemina, aliquò proficisceretur, aggressa est castissimum hunc virum, tanquam alterum Ioseph: ipse verò ad consuetum Orationis refugium recurrens, non solum ab eo periculo se liberauit; sed ipsam quoque foeminam DEO lucratus est: effecitque, vt sui peccati penitenteret, & confiteretur. Nec tamen hæc victoria securum ipsum reddidit: nam potiùs cum humili suæ debilitatis timore, conseruabat

De Præf. n.  
6. Religiosis  
640.

stita

stitatis thesaurum, fugiens omnes occasiones etiam minimas, labendi in rem aliquam contra illam. Hunc suum timorem explicans dicebat: non esse in tanto periculo eum, qui ex subtili fame in turri aliqua alta penderet; atque is, qui positus est in occasione puritatem suam amittendi. Idem autem Dominus, qui Castitatis donum ei fuerat largitus, eundem docuit cautelam, quanti deberet ad eandem conservandam; suggerens ei hanc de humanæ miseriæ cogitationem, & sensum: CUM DEVS Dominus noster ante paucos dies fontes tui Nihili tibi ostenderit, teq; talem sis expertus: quomodo scandalizari potes ex alienis lapsibus; aut non esse valde cautus de proprijs? hinc didicit summam adhibere cautelam, ne vnquam solus esset cum foemina: & cum aliquam visitabat, nunquam prius sedebat, quam etiam socio sedes adferretur. Et quoniam ipse cum multis spiritualibus foeminis agebat; cum ijs dicebat maiorem esse cautelam adhibendam, eò quod spiritualis amor soleat transgredi limites suos, & fieri carnalis; & optimum vinum conuerti in fortissimum acetum: quod tamen non ita aduertitur, donec mutua voluntates ita coniunctæ & agglutinatae, vt quamuis illibenter & cum aliquo doloris sensu, potius à Deo, quam à se inuicem discedant, & separentur, ne se contristant; iudicantes, non decere, sibi in illo amore teneroque affectu deesse, & tunc Dæmon accedit, & ignem accendens, illos excæcat, & illaqueat. Imò etiam cum solus esset, valde erat cautus, dum se exueret, & surgeret: vtrumque enim faciebat magna cum

II. Augusti

1575.

cc

cc

cc

cc

cc

honestate, vt nullam corporis sui partem videret. addebatque: valde esse attendendum circa modum iacendi in lecto, vt semper compositio religiosa sit, & honesta: nam, si Religiosi non habent omninò extinctum patiendi desiderium, quid leuius eis euenire potest, quàm non se discooperire in æstate, cum sani sunt, & tegumenta moderata habeant? & quomodo hanc decentiam seruabunt, cum febre aliqua grauius incalescunt, & nemo illos videt: nisi ad eam seruandam sensim assuescant?

## 6. II.

## PAUPERITAS.

**S**ANCTAE PAUPERATI fuit valde additus, vt Saluatorem nostrum imitaretur, de quo excelsas habuit cogitationes, vt postea dicemus; & valde persuasus: in ea consistere substantiam Religionis solebat dicere: nemo sibi puluerem in oculos iniiciat; nec sibi de sensis, illustrationibus & spiritualibus consolationibus blandiatur, nisi hilari vultu bolum hunc Paupertatis Euangelicæ ad eò amarum deglutiat. Tunc autem deprehendet, an illam amet, si eius etiam comites diligit, famem, sitim, frigus & contemptum. Qui enim in vestibis quærit honorem, ne vilis habeatur, non diligit paupertatem; qui, dum sitit, non potest sitim aliquamdiu tollerare, sed animalis alicuius instar proijcit se ad aquam: is non studet paupertati: qui nihil vult sibi deesse, & tamen vult Religiosus haberi, decipitur. Iuxta hunc sensum practica-

cticabat ipse paupertatem, eligens sibi, quod deterius erat, tam in cibo, quàm vestitus, & habitationis commoditate. Imò etiam in ipsa sacristia notabatur, quòd studiosè acciperet pauperiora ornamenta ad Sacrum faciendum, dicens, quod etiam in ea re sese insinuaret vanitas & curiositas.

OPTABAT deesse sibi aliquid etiam in rebus necessarijs: ideoque non solùm nunquam aliquid petijt, sed neque accipere voluit quidquam sibi à multis dominabus, quibuscum agèbat, oblarum; tum vt paupertatem custodiret; tum ne suam amitteret libertatem, mancipium se constituens eorum, qui aliquid ipsi darent. Et quamuis (vt ait S. Hieronymus) sæculares homines ostendant se indignari, cùm non accipitur, quod ipsi donant: ijdem nihilominus pluris faciunt non acceptantem: magna enim est vis ac veritas sanctæ paupertatis. Nunquam induit vestem nouam, sed prius curabat, vt iam facta alius aliquamdiu vteretur; & tunc demum ipse illam induebat. Imò nec novos calceos, donec aliquis alius per dies aliquot eis vsus, iam splendorem recentium amisissent. Exhortationes, quas faciebat, etiam si magni essent momenti: eas tamen non in munda charta, sed in operculis litterarum scribebat, vt & in hoc paupertatem exerceret. In cubiculo suo aliqua etiam necessaria deerant. Nam cùm Concordantijs indigeret, dicebat, se malle aliquot passus impendere eundo ad Bibliothecam communem, quàm apud se illas habere; vt sic magis coleret paupertatem. Nec aliam sedem apud se habebat, quàm scabellum, aut sedem sine Reclinatorio: &



cum aliquis insignituli, aut dignitatis vir ipsum visitabat, valde lepidè illi dicebat: Dominatio vestra sedeat nunc in hoc scamno, tanquam in domo Pauperum; etiamsi in vestra domo plures sint ac superfluae sedes, in quibus licebit postea commodius sedere: & ipsi Domini plus hac ratione edificabantur, quàm si cubiculum vidissent etiam Imperialibus sedibus plenum. Metinæ donarunt ei semel eleemosynæ nomine sedem quandam holoserico opertam: & tunc dixit, velle se eam in loco totius domus nobilissimo collocare: Quare illam misit ad culinam; vbi tam diu mansit, donec confumeretur, ac dissolueretur: vt no- uitiij ad iuuandum cocum ingredientibus cogita- rent, debere se vitam suam contrario modo insti- tuere, quàm suadeat mūdus; & nihili facere, quod ille facit magni. Horrebat res curiosas, etiā pias, secum gestare, quales sunt Imagines, Reliquiaria, Agnus, Grana & similia, eò quod huiusmodi re- bus nimium cor Religiosi adhærescat: quod pro- dit impatientia, qua mouentur, cùm tale quid eis aufertur. Et quamuis id fieret prætextu alijs ea donandi, expedire dicebat, laborem hunc & onus deponere, vt cor in solo Deo suam cōsolationem poneret. quare aiebat, Paupertatis cultores, qui se suis commoditatibus priuarent, experiri illud Davidis: *a Renuit consolari anima mea, memor sui Dei, & delectatus sum*: qui autem suas commodi- tates quærunt non habere hoc excitatorium, vt meminerint Dei, eiusque solatium accipiant. Et hinc inferebat ipse amorè Dei, & fiducia de eius diuina Prouidentia esse compendiosa, at Suffici- entia remedia Paupertatis: verè enim diligenti Deum

*Ironice.*

*a Psal. 76.*

4.

Deum nihil deesse; non quod bonorum abundantiam domi suæ habeat; sed quod in eius anima desit illorum cupiditas: nam nihil desideranti eorum, quæ in foro veneunt, quidquid in eo est, superfluum illi esse. Qui Deum in veritate amat, amorem suum à rebus alijs retrahit; & in hoc vno illum collocat, vt hanc solam obtineat, cuius causa reliqua omnia vili æstimat. Et nunquid negabit Deus frustum panis, non esurienti aliud, quàm ipsummet Deum, cum ipse dixerit: *b queri te primùm Regnum Dei, & reliqua omnia adijciuntur vobis?* aut aliud poterit sibi persuadere, qui non uerit ipsius Dei viscera, & consilia, ac media, quæ ipse adhibet, vt quos ad gratum sibi obsequium elegit, à terrenis curis expediat? timeamus igitur & amemus Deum, quia, vt Dauid dixit: *c Non est inopia timentibus eum.*

*s Augustin. ep. 109, melius est minus egere, quam plus habere. b Math. 7. c Psal. 33. 19.*

§. III.

O B E D I E N T I A.

**O**BEDIENTIAM magni semper faciebat, dicens: eam esse rectam Dei viam, qua anima deponit omnia dubia, & perplexitatem; siquidem eam Deus tanquam certam regulam constituit in rebus omnibus, in quibus peccatū nō cernitur: amplectendo & sequendo quod sentit & ordinat vnus homo, qui nobiscum versatur, cui se anima integrè tradit, confidens Deo, quod per tale medium sit ipsam gubernaturus. Et quamuis sæpe eueniat, talem hominē inferiorem esse in literis, virtute, & experientia: non propterea vacillat securitas, si ei obediatur: nā quod Obedientia sit recta no consistit in sapientia, bonitate, & prudentia Superioris; sed in ordinatio-

ne ac

ne ac directione Christi Domini nostri: quemadmodum, quod idem Christus in sacra hostia contineatur, non dependet à bonitate, ac pietate Sacerdotis consecrantis, sed ipsiusmet Christi id volentis, & constituendis. Et quando ipse cor tuum permouit, vt ipsius amore subijceres te Superioribus Religionis, præuidit ipse benè, te nonnunquam habiturum superiorem aliquem, rerum ignarum, & exiguæ virtutis: & nihilominus voluit te illi subijci: quia nouit eius ignorantiam, & exiguâ virtutē ita dirigere, vt tibi nō noceant, sed profint potius: eiusque ordinatio sit profectus, & exaltationis tuæ causa. Quare superiorum acceptor, vt huic se subijciat, alteri non: suspectus est de inobedientia: quemadmodum in fide censeretur suspectus, qui prostratus adoraret aureum vel argenteum crucifixum, nollet verò ligneum: cum ratio adorationis in omnibus sit eadem, scilicet Christus. Ex quo ille deducebat, vnum ex maximis beneficijs, quæ in Religione habemus, esse Obedientiam, & hanc Dei in rebus omnibus etiam minutis directionem, neque est a *via à Samaria, vsque Iordanem ad eam plena vestibus & vasis preciosis*, atq; est Obedientia Religiosa excellentibus virtutibus referta. Quare cum anima incipit sentire, quid sit gubernatio Dei, statim etiam incipit Obedientiam magni facere, ex qua tantum videt boni sibi accedere, sentiens quantum in ea honoris, diuitiarum & profectus accipiat ab ipso Domino, qui ipsam ad se vocauit, & conuertit, iuxta illud Dauidis: *b Dominus regit me, & nihil mihi deerit: in loco pascuae ibi me collocauit, super aquam refectionis educauit me: animam meam conuertit,*

a 4. Reg. 7.  
15.

b Psal. 22. 1.

*uertit, ac deduxit super semitas iustitiae.*

HAE VERITATES fulciebant eius obedientiam, consolationem, & vtilitatem. Nam ab ipso Tyrocinio excelluit in Obedientia ad nutum, æmulans sanctos Patres, qui etiam literam inchoatam relinquebant, vt ad id, quò vocarentur, se conferrent: & totius vitæ decursu honori sibi tribuit, ita exactè obedire: magnam ducens inurbanitatem, quòd vel ad momentum hereret in Obedientia præstanda, & respondendo vocanti Domino. Et cùm esset Superior erat omnium primus ad communes Obedientiæ actiones: & cùm ad aliud Collegium diuerneret, erat valde subiectus illius loci Superiori. Et cùm semel in quodã Collegio vellet extrailud celebrare, diceretur autem illi ex parte Superioris, ne id faceret: in momento, & nullo verbo prolato, voluntatem illam deposuit; cùm tamen nihil nocere aliàs iudicaretur, nisi quòd ita visum esset Superiori. Et prouinciæ suæ Visitatori ad nutum etiam obediuit in duabus rebus grauissimis, in quibus honor eius & solatium periculo exponebantur: vt suo loco videbimus. Eos, qui sub Obedientia viuerent, aiebat ipse, posse, si vellent, magno quodam priuilegio gaudere: hoc est nec aliquid aggredi, neque à cepto desistere suã, sed Dei ipsius voluntate: qui ingens est thesaurus. Qui autem sibi ipsi grauis est, & occupat se cogitatione rerum agendarum ac temporis & horæ, qua illæ sunt agendæ: is hoc remedio vtatur, vt animæ suæ dicat: iam non est tibi solatio, quòd scias, qua hora velit Deus, te surgere? quomodo indui? quomodo ali? magna certè iucunditas, & suauitas conuersa

c *Tbren.* 4.1 uersa est in magnum cruciatum. c *Quomodo obscu-  
ratum est aurū, mutatus est color eius optimus? Quis  
te coëgit, ut cum esses liber, te ipsum ligares? idē  
spiritus, qui fraudes, dolosque latentes tibi rete-  
xit, idem ad hoc mediū, tanquam ad ingentē the-  
saurū reduxit, & iam parui eum facis? Ad S. Pau-  
lum misit Deus Ananiam, & hoc tu non aduertis?*

d *Isaie* 14. d *Quomodo cecidisti Lucifer, qui mane oriebaris?*

12. AD Hoc ipsum propositū perpendebat valde  
verba Angeli Raphaëlis ad Tobiam: cū obstupe-  
scerēt, quòd Angelus Domini talia erga ipsos of-  
ficia & obsequia præstitisset: e *cum essem vobiscū,  
per voluntatem Dei eram.* Et iuxta hanc senten-  
18. tiam dicebat: in Dei domo nullum esse officium  
,, vile. & de se ipso in libello, in quo notabat inter-  
,, na sua sensa, sic ait: In hoc ego meam foelicitata-  
,, tem pono, quòd Deus velit opera mea uti in vilif-  
,, simis totius meæ Religionis officijs. Nam quan-  
,, do hoc ego sum promeritus, ut ipse velit obse-  
,, quio meo uti, & me in rebus obsequij sui occupa-  
,, re, etiam in conficiendis lateribus? tanti ego hoc  
,, facio, ut nullum sit aded abiectum officium, cui  
,, si me ille velit addicere, non priuer ego quocun-  
,, que meo solatio, ut illud præstem. qui alicuius  
,, obsequium habere vult, etiam vult se ipsi obliga-  
,, ri. Quæ igitur tanta celsitudo animabus nostris  
,, offerri potest, quæ ita nos impleat, ac satiet, atque  
,, quòd audiamus, Deum velle, & requirere no-  
,, strum obsequium, ut se ipsum nobis obstringat, &  
,, obliget? Et in alio loco dicit: Quam excellentiam  
,, habet concionandi munus, si Deus illud non vult,  
,, aut quam vilitatem habet ollas, aut scutellas la-  
,, uare, si idem Dominus id à nobis vult? quam præ-  
stan-

stantiam habet, quod quis in aliquo angulo se  
contineat, si Deo id non placet? aut, quæ vilitas  
est inde exire, si hoc ipsum illi placet?

EVm, qui sub Obedientia esset, non volebat cogitare, quid esset cras de se futurum; aut quid ipse acturus? responsio enim est in promptu: faciam, quod iubebor; erit quod volet Deus. Et ita, ait: hoc totum meum lucrum est, vt te Deum meum contentum habeam; tibi que satisfaciam: esto tu contentus, & pone me etiã in tortura: iube, verte, & inverte me: quia nihil ego aliud expecto, quàm vt iubeas. Si opus est tota vita cursum, id meum est solatium. quod dicebat, quia tunc sentiebat difficultatē & repugnantiam ad profectioes, tū ob valetudinis defectum: tū quod vereretur aliquam suæ recollectionis iacturam. In omnibus tamen sese resignavit, & Obedientiæ subiecit, cōtemnens suas repugnantias, magnamque gloriam iudicās, quod eas vinceret. Hinc etiã quies illa oriebatur, qua in loco & Officio manebat à Superiorib<sup>9</sup> sibi iniuncto. Ex Rector Salmantinus missus Villagartiam Oppidū parvū, libentissimè est profectus, vt se ibi includeret, optans in illo loco vitam suam, si Deo ita placeret, finire. Dicebat enim: Religiosos horrere debere mutatiōes Officiorū, occupationū, aut locorū, in quibus à sancta Obedientia collocantur, memores verborū Angeli ad S. Ioseph, cum mitteretur in Aegyptū: *festo, inquit, ibi, vsq<sup>3</sup> dum dicā* f. Matt. 2. 13. *tibi*, cuius rationem reddebat: quia nemo posset ad altiorē locū ascendere, quā vt ab ipso Deo in aliqua constitueretur, & nō à se ipso. Rectificet igitur is voluntatē suam, & ita erunt omnia feliciter expedita; ac dicetur de eo: *foelices aures, quibus obedientiæ vox dulcescit.*

N V N

NVNQVAM animum abijciebat in rebus ar-  
 duis, ac difficilibus, in quibus obedientia illum  
 collocabat, etiam si aduerteret, se talentis destitu-  
 tum ad eas sustinendas : dicebat enim : ex quo  
 Deus religiosum posuerit, ipse eundem deducet,  
 etiam cum profectu: quod si plus illum oneret,  
 quam ferre possit, se ipsum onerat, quia in se re-  
 cepit supplere, quod illi deest: & si iusserit ali-  
 quem loqui, nescientem loqui: se ipsum obligat  
 ad eum docendum. Id igitur ego vellem, ut ipse  
 manu sua aliquid mihi iniungeret, quod meas fa-  
 cultates excederet: nam hoc ipso teneretur id  
 mihi dare. Et si quidem tu Domine iubes per san-  
 ctam Obedientiam me tali hora loqui: ex nunc  
 expecto tuum subsidium per hoc vel illud medi-  
 um, iuxta tuum beneplacitum. Quare qui ab Ob-  
 edientia in aliquo officio, aut ministerio consti-  
 tuetur, ad quod præstandum existimat sibi Erudi-  
 tionem, Prudentiam, Authoritatem, & animi  
 Fortitudinem deesse: postquam hanc suam ine-  
 ptitudinem Superioribus proposuerit, ne animo  
 deficiat; sed d' *reuelet Domino viam suam, & spe-  
 ret in eo*: quia ipse faciet: ad vnius veritatis ac cer-  
 titudinis firmitatem, attendat h' *prudentiam*, quam  
 dedit Dauidi *super suos inimicos*; *scientiam super*  
*omnes docentes eum, & intelligentiam, ac experien-*  
*tiam super senes, & expertos*; authoritatem,  
 quam dedit Iosue, cum eum constituit populo  
 Israel loco insignis adeò illius Ducis Moyfis; cor-  
 in Saule ita mutatum, ut & sentire & loqui cum  
 Regia Maiestate posset; opinionem, quam dedit  
 Pharaoni de Iosepho, & æstimationem doctri-  
 næ eius, ut eum sibi, totiusque Regni Magnatibus  
 Magi-

g Psal. 63. 3.

h Psal. 118.  
97.

Magistrum, ac Doctorem præficeret; cælestem lucem, ac sapientiam, quam Danieli dedit super omnes, quos Nabuchodonosor ex filijs Israel eligere voluit, vt in suo conspectu stare possent; & media quæ adhibuit, vt ille eiusque socij ad eum sapientes euaderent, atque eorum assistentia requirerent.

Et consequenter aiebat, securitatem in agendo cum proximis, cum ex Obedientia id fiebat, esse valde magnam. Adeo, vt si quis obediendi causa infames foeminas accederet, vt illas Christo lucraretur, cum eis agens, mundissimas haberet cogitationes, quasi esset aliquis Angelus: & si ex propria voluntate in cubiculo suo maneret, foedis ibi cogitationibus vreretur. Nescio, inquit, quomodo possit quis tutum reputare, quod à Domini voluntate recedat. Quænam, quæso, securitas esse potest, vbi Deus non est? hoc enim est, quod Sanctus Bernardus dicebat: *quando benè erit sine illo? aut quando malè cum illo?* Expertus erat, quod, quamuis interdum illi occurreret, contrarium eius, quod Obedientia iniungebat, esse melius; parendo tamen deprehendebat, rectius fuisse, quod Obedientia præscripserat: ac propterea illam appellabat **CONSILIVM**, ac dispositionem **DEI**. & idè ei subdito, cui aliquid eius videretur non esse ad rem, dici posset illud Scripturæ diuinæ: *iustus ex fide viuit: & secretum quod ipse non assequitur, esse k mysterium fidei*: Ex quo optimi proueniunt exitus ei, qui cum fide; & humilitate opere illam exequetur, etiamsi media ipsi disparata & contraria esse videantur. Ac propterea valde delectabatur narra-

i Rom. 1. 17.  
k 1. Tim. 3.

E tione



tione cuiusdā P. Prouincialis huius Prouinciæ, dicētis: quod quando ex Vrbe ad aliquam obedientiæ ordinationē mittebatur, vt hoc, aut illud determinatē faceret, videbatur sibi cælum aperiri, & cor suum exultare: quando autem sibi dicebatur, vt, quid agendum esset, cogitaret, eligeretq; quod videretur: tunc se in magnis angustijs fuisse.

DENIQVE occultam quandam Dei manum aduertebat mouentem, ac dirigentem eius negotia & actiones per ipsam obedientiam: & hoc illum quietum valde, ac pacatum reddebat, quidquid sibi tandem ex ea euenirēt. Ad quam rem habebat aliqua sensa, ac sententias admirandas. Deo Domino nostro dicebat: nulla, Domine, alia via, ad  
 „ eò possum esse tuus, atque cùm desino esse meus,  
 „ Iuramento obstrinxit se ipse Dominus, quod faciet crescere eum, qui ipsi erit in obediendo fide-  
 „ lis, nam de obediēte Abraham dicitur: *Inon est*  
 „ *inuentus similis illi, qui conseruaret legem excellē-*  
 „ *ideo iureiurando fecit illum Dominus crescere in*  
 „ *plebem suam.* Quid nobis nocebit, si obedientiæ  
 „ intuitu ea relinquamus, quæ nos delectant; & ag-  
 „ grediamur quæ nos cruciant, & vexant: nisi quòd  
 „ meritum nostrum augebit? obedientia est crux  
 „ perpetua, gladius propriarum oblectationum, ve-  
 „ na vitæ, fons aureus: non est autem exiguum bo-  
 „ num, aut malum censendum, quòd rectè attinga-  
 „ mus id, quòd præscribit Obedientia, aut ab eo  
 „ declinemus: Est enim materia, quæ semper in ma-  
 „ nibus versatur. Quemadmodum enim Moyses e-  
 „ rat Pharaonis Deus: ita Superior est Deus obedi-  
 „ entis, dicentis: *Sonet vox tua in auribus meis: vox*  
 „ enim obedientiæ dulcissima mihi est, & iucundis-  
 „ *sima.*

1 Eccl. 44.  
20.

fima. Hæc & alia valde excelsa sentiebat ipse, ac loquebatur de hac virtute, vt apparebit, quando de magna conformitate ageretur, quam ipse cum voluntate diuina in rebus omnibus habebat.

## CAPVT VI.

*SACERDOS FACTVS, PIE diuinum Officium orat, & quotidie Sacrum Missæ celebrat.*



Vm Pater Balthassar, adeò accelera- A N N O  
ret in feruore virtutum, magnasque 1558.  
ostenderet dotes ad iuuandos proximos: statim atque studijs suis finem imposuit, tertio scilicet anno à suo in Societate ingressu, curarunt superiores, vt fieret Sacerdos: quo nouo titulo cœpit ipse magis adhuc in deuotione crescere, & in familiari cū ipso Deo cōgressu: ad cuius mensam quotidie admittebatur. Cumque sacri Ordines obligationem adferant diuinum Officium legendi: dedit ipse diligentem operam, vt ei obligationi magna cum perfectione satisfaceret, nec à magnis occupationibus impediretur, quæ interdum simul, & quasi agmine facto illi occurrebāt, quibus ipse hanc magno studio præponebat. Et quauis Societas non profiteatur vsu catus, & chori: ipse tamen septem suas horas Canonicas diu cū magna quiete, suis temporibus, & in separato, ac collecto loco orabat, vt cordis effundendi occasiones effugeret: nūquā est visus in aliquo trāitu orare, nec deambulās: sed per multos annos orauit in medio sui cubiculi flexis genibus: quod si aliquo morbo à flectendo impediretur, sedebat quidem; sed aperto capite, nec alicui parti innixus